



10713

眉山蘇過叔黨氏著

湖口人李正臣蓄異石廣袤尺餘而九峯玲瓏老人名之日

壺中九華且以詩紀之命過繼作

懷玉峯賦詩作于紹聖元年

至人寓迹塵凡中杖頭挂壺來何從長房俗眼偶澄澈一笑市井
得此翁試窺壺中了無物何處著此千柱宮昆耶華藏皆已有不
獨海上棲瀛蓬我聞須彌紉芥子况此空洞孰不容何人誤持一
嶂出恍是九華巉絕峰令人卻信劉郎語當年霹靂化九龍誰將
真形寫此石太華女几分清雄終當作亭號秋浦刻公妙句傳無

斜川集卷之五

窮

和大人遊羅浮山

懷玉峯坡集有遊羅浮山一首示兒子過樂城亦有和作時紹聖元年初到惠州

我公陰德誰與京學道豈厭邊犂鳴世間出世無兩得先使此路

荒承明謫官羅浮定天意不涉憂患亦長生海涯莫驚萬里遠山

下幸足五畝耕人生露電非虛語大椿固已悲老彭蓬萊方丈今

咫尺富貴傲屣孰重輕結茅願為麋鹿友無心坐伏豺虎羣况公

方瞳已照座奕奕神光在天庭出青入元二氣換妙理默契黃庭

經但願他時仇池主不願更勒燕然銘稚川刀圭儻可得簪組永

謝漢公卿腹中梨棗晚自成本無荆棘何所平

白水巖湯泉

懷玉案經聖元年坡初到惠州有湯泉詩叔黨此篇應是同作

世間詭異那可詰
地中火出連岡脈
只知驪山天子浴
未信窮海湯泉出
方池不須綠石甃
小沸自與澄沙白
涓涓微溜架巖谷
郁佳氣
烝石室
滿山松栢香
白送何用椒蘭薰
四壁從來佳境與
人遠
野老山僧那解說
雖云得地古招提
未遇賞音同汨沒
一篇今得謫仙詩
富與繡嶺爭雄雌

海南多鹿豨
土人捕取率以夜
分月出度其要寢
則合圍而周陟之
獸無軼者
余寓城南戶外
卽山林夜聞獵聲
旦有饋肉者
作夜獵行以紀之

斜川集卷之五

二

霜風肅肅陵寒柯
海月濫濫翻秋河
空山無人柴徑熟
豨肥鹿飽眠長坡
山夷野獠喜射獵
腰下長鋏森相摩
平沙髣髴見遺跡
踴躍不待張虞羅
均呼夜起山谷應
披荆草木窮株窠
何人得倚喜叫絕
脣割未羨青邱多
今年歲惡不可度
竹間有米田無禾
耕牛日欲登鼎俎
野獸脫命理則那
朝來剝啄誰有饋
愧爾父老勤弓戈
一言願子不我忽
暴殄天物神所呵

送人泛海北歸兼寄諸兄弟

冥冥天水吞爲一夜
依北斗古南北各樓
時吐蛟蜃氣半山
忽隱長鯨脊
起看檣頭雉尾轉
一帆千里日未足
此身何止輕鴻毛
到

家始覺是真肉怪君胡爲有此險象犀珠玉非所役凜然風義
古人尺書爲我通消息我似當時常校尉掘鼠餐羶從屬國茫茫
海闊雁不到長欲繫書空憫默憑君爲語諸季孟耐事忍慙真子
職面唾勿嫌解自乾盜金卻償安用詰杜門只作田舍子來往江
鄉乘下澤三吳想見稻如雲舶還時救陳蔡厄

次韻謝民師

老鶴過海仍將雛澹然如將沒齒疏人生如寄何足道富貴貧賤
際白駒飄流僅似虞夫子飢坐弦歌古儋耳不堪秦嶺望家山敢
有玉關生入理廣文才名三十年困窮直到寒無瓊將軍夜行遭

斜川集卷之五

三

醉尉曲逆解衣嘗刺船豈知雷雨來新渥歸路江山宛如昨飢人
但覺糝糠美憂患始知田舍樂夢中猶記魚相濡莊叟屢困監河
枯聊因競病歌歸歎寧復燦爛悲窮途知君篤學真爲已不從世
好惟耽此作詩頗似建安風取友更同鮑叔義我聞得士朝廷尊
搢紳所寄惟斯文象犀珠玉本安用猶使四海爭趨奔高人處世
誠難矣絕俗驚愚空目眈坐合瑚璉廢清廟濁毛何由薦天子我
羨平生馬少游不願溝瀆容吞舟夜光明月請自闕按劍或恐疑
輕投

次大人生日

懷玉案坡集無生日詩此云萬里遠謫南海濱
及羅浮至今餘怪珍恭招聖元年在惠州時作

除功若以物假人酬而不醉非所聞丙吉于公德在民皇天有善
初無親自我高曾逮公身奕世載德一於仁遇苦卽救志劬辛豈
擇富貴與賤貧久推是心誠而均可貫白日照蒼旻譬如農夫耘
耔勤自有豐年獲千困公何屢困蠅與蚊身雖厄窮道益信天不
俾之爵祿新琢磨功行真人鄰直言便觸天子嗔萬里遠謫南海
濱朝夕導引存吾神兩儀入腹如車輪羅浮至今餘怪珍稚川藥
竈隱荆榛飛騰澗谷不可馴有道或冒來相竄區區功名安足云
幸此不爲世俗醺丹砂儻結道力純冷然御風歸峨岷

斜川集卷之五

四

聞郭太尉出師大捷奚人擒契丹會領四軍者來獻作長句

古調一首

遼人猖獗敗紀綱鳥獸驚駭自取亡歸我五季舊土疆有如宣宗
復河湟彼曾假息不自量網開三面猶跳梁燭火乃欲犯太陽怒
臂當車學螳螂支天所壞仍鳴張含沙射影出復藏將軍義勇冠
三光願以部曲除螟蝗戶有三丁一我將遣汝積憤當少償上馬
亟持十日糧長矛短戟春其吭前者披靡後者戕係累妻子涕泗
滂將軍折北昔未嘗以巧服人尤所長勿追窮寇非深防會遣生
致如探囊何奴自古夸豪強三表五餌稱前王竟無一日笞中行

昭君遠嫁令人傷豈知天兵自揚邛支授首須陳湯頭顱萬里
行朔方遣示葉街聽徇徭偃兵息民令有常音居鋒鏑今農桑日
年版籍淪要荒一日冠蓋欣相望李白長歌漢道昌兩階羽舞垂
衣裳

大隱堂爲范氏西田題

嚴王案坡集藥師琉璃光佛贊序云佛弟子蘇齋與其妹德孫病久不愈

其父過母范氏映養祈禱藥師琉璃光佛遂獲痊損云云知叔黨配爲范以此范侯爲忠宣之裔詩中有行歌道上

慙妻孥之語其言頗親切豈卽叔黨妻兄弟別

范侯作圓湖之隅繚以修竹千芙蓉鴨陂下浸波瀾闔箕山西指
峯巒孤有堂翼然照通衢路人尙憶華嚴居華嚴初來理荒廢布

斜川集卷之五

五

衣小艇披芟蒲蛙鳴不知官與私莫來亂我夜讀書人懷忠宣及
其子遺愛何止屋上烏小范更無膏粱氣閉門一味如蠹魚冒爲
山林獨往計日隱市朝行坦途嗟我與君涉世疎短纒汲深爾自
愚行歌道上慙妻孥空令家無甌石儲欲將大隱欺誰欺人不吾
以曷早圖未須直學西山夫槁項終爲山澤臞

愛人堂爲李幾仲賦

讀書當讀孔孟書我飽尙可推其餘莫求撻徑拾青柴口但澗醪
腹空虛孔孟之功如藥石洗濯肝胃充肌膚如農去莠植嘉穀如
行九折遇坦途我憐赤子在遠域疾病不聞其叫呼何當攘臂問

民瘦古之循吏誰爲儒我觀李侯少夷特閉門不曳侯王裾詩書
已誤半世事一割未信雞牛殊彈冠小縣何所爲長養善類惡者
誅作堂之名固有在要使膏澤流海隅不願力田頻賜爵不願校
讎歸石渠使我三年飯脫粟活此千人爲親娛

地鑪歌寄伯仲

野人勸我鑿地鑪纔能容膝便有餘土牀屈曲方六尺墮塗何必
髹丹朱廣文無龜與客設蒲團但學僧跣趺破鐺折腳自烹煮中
有至樂人所無我游東南古佛刹潭潭大屋千浮屠環牀接席如
坐井白灰益火深模糊貴人畫卧紅纒輪春風習習生四隅牽衣

斜川集卷之五

六

留客長夜飲一石屢醉狂淳于我家環堵眞癯儒鸚鵡無羨安枋
榆泔生養此夢幻軀誰能華晚慕大夫時從村叟交醜語炊飯屣
搔味醜酣牀頭一榼自取飲醉後耳熱時歌呼坐想潁川十目甫
尺薪如桂求里閭此時無人知我樂惜哉不與二仲俱我兄何時
結茅廬小窗請試新規模

寄題折嗣益夔慶閣

帝有虎臣司北門虛弦坐落天驕魂百年不敢南牧馬草木尙有
威名存平生忠義身許國不以金玉遺子孫承平日劍空在韜帷
有簡編遺後昆不知所活幾千人一門何止十朱輪滿牀簪笏不

足道萬石家風今復聞明窗小閣臥晏溫不讀孫吳看典墳坐銷
殺氣邊風春記取大馮小馮君

蜀人宋衍黃孤母去方學取科第遂獲見母蓋自蜀至許六
千餘里聲迹不至逾二十年感歎茲事作此詩以送其歸
綠槐染衣蘆作鞭朝騎駿馬下九天人爲君榮君未喜我家劍古
親萬里四歲兒啼母不知肺肝欲裂悲語誰不如讀書期有立可
以藉手榮吾慈白雲悵望天一方瀟水之北嵩之陽君王一日親
試策阿蘭不願倚書郎里門下馬人爭看對泣相持行路歎版輿
歸侍錦江頭戲彩重償亂與卬

斜川集卷之五

七

范季遠作止齋求詩以此寄之

急流勇退真難事要取榮枯君自味世間軒如鳴蠅自覺山川
天下貴君如八駿方服軻帝閑正欲求千里刷燕秣越非所願放
浪煙霞躡雲水蕭然築室在人境身與此心俱欲止倦飛偶學陶
彭澤示疾還同老居士政憂功名來未免吾駕不同誰與柅古來
索價果高人少室終南應所鄙

大雪日趙承之梁輿可訪賈子莊飲爽亭孫志康不得預故
有詩怨之亦次韻和一首

三士高談常絕席不數漢庭人九尺雪中忽到剡溪行狂飲學髡

後一石不教彭宜到後堂只供爽氣千陵岡忍寒排門訂大誤夫
子莫悔不得將夜歸過我天正黑燈影照坐如僧房峩冠切雲服
亦音勝遊何不蚤遣知風花瞥眼同一霎欲追此歌將奈若人閒
何往不自適陵生且復爲陵鳥

和異子駭食波稜粥

朔風吹雪填廬屋一味飢寒尋范叔綈袍安敢望故人藜藿從來
誰空腹近開陶令併無儲不獨魯公新食粥波稜登俎稱八珍公
子未應譏世祿山僧一食不過午忍飢學道忘辛苦書生事業乃
爾勤夜然膏火窮今古要將五鼎同釜鑄算鄴未可輕原生肉食

斜川集卷之五

八

紛紛固多鄙吾寧且啜小人羹

次韻承之紫巖長句

亂山窮處聞魚鼓梵宇潭潭不知暑當時麻衣此卜居自啓山林
著藍纓飛空樓觀鸞鴛造化縹緲雲間如帝所道人疑是有道者已
不求人人自許富見爭致千金多貧者不辭筋力苦若非足指按
大地荒山坐巖琉璃宇南陽持節奉詔歸夜上崢嶸攜幕府是時
六月火令熾千騎解鞍人按堵登臨豈爲謝公賞七子賦詩歌趙
武長廊月出清風生古殿無人鈴獨語公留三日看溪漲日晝魚
鰕落飛雨我背十里上太行身世飄零悲逆旅莫投紫巖稍自慰

欲扣僧房無可侶有來野餉首藉飯主人對客羞貧屨何以元戎
從掾吏落日紅旗照洲渚椎牛驪酒勞還役號令三更傳部伍君
龍筆力記其事句法更如山峻阻一時豪放豈易得況有幻怪供
詩取歸來尙可詫朋友雲夢青邱俱不數山川雖是風物殊樂哉
信美非吾土

信中惠竹以詩謝之

篔門圭竇百不宜大紅豔紫無所施主人愛竹尤成癖獨欠此物
如渴飢君家十畝等茨東羅生川谷壞藩籬探林許我恣所愛有
力夜負竹不知朝來窗影忽散亂起看簷角風離披總千山立屹
不動高節白首貫四時我方病卧呼不醒一篇忽得陳琳詞頭風
去體未足道歲寒非子當誰期明朝戢戢迸犀玉請看籜龍頭角
竒干竿共戰風雨夕記取蕭齋來葛屨

斜川集卷之五

九

次韻承之重九

庾郎自誑誇重九北海常憂客無酒冑教白髮負黃花不爲虛名
留峴首人生能換幾星霜我非石心與木腸乾愁漫解祇自慰消
長只繫吾行藏棄書學劍猶有得西斬樓蘭北疎勒從軍直到單
于臺封侯萬戶何人哉圖形未許凌煙上草檄觀君試豪放山陰
同時迹已陳高陽天醉情何曠爲君悲歌和哀箏請君更草麗人

行吳姬趙女兩愁絕一笑當時空目成行行且作歸裝東子雲校
書入天祿一杯且復中聖賢周南留滯誰我憐買田早約鴟夷子
相與躬耕不計年

不睡

四鄰悄悄斝殷牀惟有客夢不得長采門獨掩燈有暈欹枕未熟
背已芒四更山月來洞房炯炯孤射屋梁茅簷窸窣鼠自齧煙
樹蒼莽梟爲祥海風蕭蕭振楫葉谿聲澗澗決廢塘二三黃冠真
可憫空祠夜禱寒欲僵步虛聲斷翠微遠鐘磬時歎幽人空山城
寂寞消殘漏鼓角淒悲吟曉霜懸知此時我獨覺胡爲百想懸肺

斜川集卷之三

賜鷄鳴世務紛如織曷此頃刻聊坐忘

送呂知止

王謝風流要有種誰比君家俱得鳳慈明兄弟稱八龍未易賢愚
推伯仲應機短小精更治千里名駒方試鞿皎然若谷冰雪姿雕
琢肺肝嫌未痛莫標颯爽吾知止割鷄今欲牛刀用胡爲從事筦
庫役無乃漢陰工抱甕嗟余飄泊同閭里一味窮愁惟子共詔恩
雖脫鍾儀囚未敢彈冠效王貞平生世味似嚼蠟卽壑莫年尤自
縱爲君懸榻待歸來故人蚤破邯鄲夢

送孫志康

季孫愛我如美疢孟孫惡我如藥石平生願得逢若士庶幾愛我
非姑息先生少抱王佐才早以聲名馳上國白頭猶著從士衫正
坐不爲俗子屈剛風由來有家學不信直前能缺折世無子期
賞音伯牙太息弦應絕晚從南陽客塞上豈爲文章工草檄

可否梁邱據磨礪正須煩子草先生持此雖暫合鴻鵠要具雲間
翻夜光明月遭按劍未冒碌碌同沙礫翻然賦歸一何速越吟久
自同莊舄世間軒冕豈不欲鑿枊兩窮安所得不如乞身向嵩少
問舍求田乃良策祖生從此須著鞭我當繼蠅登山屐

戲題姚美叔睡軒

斜川集卷之五

七

姚侯不學蘇李子佩取六印誇閭里又不斬取樓蘭王立功萬里
還故鄉兩俱茫茫空白首車輪馬跡環四方忽焉投劾賦陶令亦
復近市師韓康結髮少來遭物役不在功名在刀筆不如一覺獲
安眠收拾散亡歸此室

送參寥師歸錢塘

我先大夫東南遊六年雲水窮抉搜吹噓人物到方外伯樂未忍
輕驂騶老師一見心相投氣味要是同葦簞塵埃豈解埋珠玉自
有寶氣干斗牛作詩爲文盡餘事勁節凜凜橫九秋俗子欲交輒
掉頭我友天下第一流雖遭謗罵不少避年世久已同浮漚我昨

南來自炎州師亦方解鍾儀囚握手流涕古汴溝生死骨肉我不
廖衆人見棄誰相依累然獨處空山幽忽聞剝啄師喚我灑掃茅
堂三日留行行吳越有舊隱明年當泛西湖舟贈言乃是朋友義
敢效兒女空綢繆夜光明月宜自收虎文豹纈非身謀

題岑氏心遠亭

君不見鄭崇門前開如市此心不礙如秋水又不見翟公之門空
設羅翻爲交情生愠喜豈知靖節棄官歸五斗難堪折腰恥結廬
何必在山澤方寸湛然遺遠邇君家小園纔數畝竹柏蕭森閭桃
李幽亭容膝審易安不羨華堂收梓杞平生少游眞吾師自欲浮

斜川集卷之五

主

沉老閭里故應從事三選樂更效子綦今隱几君看六鑿無天游
婦姑攘奪無窮已達人無累超物表雲夢胸中吞芥子紛紛朝市
我無與較擊肩摩同一軌高情縹緲謝塵寰悵望雲山友黃綺

秋蠅篇

秋風中人如劍芒飛蠅側翼何處藏晨憂霜露避暗壁晚集戶牖
依斜陽斜陽寂寂能幾許股翼未溫寒日暮縱饒不敢近華筵屏
跡何須待揮塵我方六月流汗時營營聒耳緣目眉盤餐盲潔未
下筋聚噉弄吻不少遲微物盛衰還有數得意何曾念寒暑帳中
相弔定飢蚊窗外巧尋惟蝮虎糜身槁死不足憐耳目所憎欣且

去嗟哉時節那可爭造物於汝何好惡

送仲南兄赴水南舍

憶君結髮讀書日肯學呻吟事刀筆功名直欲高古人議論從來
氣橫臆咄嗟歲晚事大繆翻然自許林泉役躬耕二頃羞甘旨櫛
風沐雨忘農夕十年不知簪組味萬里能舒陳蔡厄丈夫升沉何
足道躡身養志真肯符閉門卻求文史樂勁氣豈為窮居屈信哉
上有絕人處坐使懦夫聞有立邇來彈冠本非好黽俛聊從父兄
苑區區試吏倉庾閒定知蠶屨何曾得嗟余白髮亦自笑眷眷一
官乃雞肋明年驅車走太行政坐相如空四壁秋風淚水各相送
未覺軒裳勝蓬華鷓鴣儻獲一枝安此外所憂非我力

斜川集卷之五

三

謝公定以所藏文與可詩示其孫驥驥有詩次韻

骨冷能詩庾開府妙句天成醉翁許醉翁已作神清游伯牙絕弦
空千古謝翁家無甌石備獨富牙籤收重楮詩豪遺墨宛在世不
與缺二俱化土後生無復見老師句法凜然猶可度幼孫風流自
一種疑是江東王謝伍君不見西京柱下太史公留滯周南歎無
補傳家有子能續業執手潸然只虛語子孫他日繼文翁太史家
風爾乎取

志康得魚或勸信之諸公有詩議未判吾誰適從亦賦一篇

谿魚有如絲木求縱有瑣細不受鉤我君恨不如江頭長江巨浪
一葦游得魚滿船魴鯉儵莫歸獻倅烹魁曾邇來越吟思命駒齋
厨空無萍藻羞披挾泥沙窮澗陬撮拾小鮮饌糗餼三噍井上或
可伴先生道眼無全牛虛心觸物如虛舟獨未辟穀師留侯手持
巨餌安所投彈缺時有馮驩憂商音不變鍾儀囚朝臺暮監意則
悠渠官嗜殺對血流欲引西江蓋無由升斗小惠不知調吾言非
夸亦非媮一飽等是充飢喉暴殄天物神所不杜陵有詩請君誣
次韻伯達仲豫二兄和參寥子

羅浮插天猿晝號飛步絕頂觀雲濤庶幾神藥兩童賜日暮空歎

斜川集卷之五

古

西山高道人航海曾何勞久將身世輕鴻毛只恐西湖六橋月無
人至此詩與騷

題王進之綠蔭軒

主人愛竹真成癖門階戶席俱寒碧小軒故爲翦重闌舍下從教
筍穿壁欣然遠致數君子相對青青好顏色公庭無事白日長寒
影參差亂書帙君家將相山西種世世卻符門列戟圖形未肯上
凌煙卻掃何爲清一室胸中定有不凡處對客何妨仍蠟屐明年

新筍拂雲長夏簟琅玕足留客

李方叔涪潁川水磨作詩戲之

君不見相如日隱臨邛市文君當壚身滌器未逢給札賦凌雲豈
免辛勤穿犢鼻又不見蘇秦大困還家時失計頗遭妻子詈誰令
奔走事口舌不學周人管什二李侯平生無一廛只有便便五經
笥儒冠半世已誤身老欲歸耕無耒耜近聞潁川有瀑布確磨能
窮谿谷利醴渠鑿石激清流機動輪旋人力易今年麥熟春兩足
車載斗量應有備勿嫌巾袂縞紛紛飽看谿渠鳴淙淙堆盤坐想
雪如山夢中已覺錢流地待君結廬秋風初我欲叩門來上瑞起
搜湯餅掃飛羅轆釜操刀定中饋千金何必羨鳴夷少有屬虜而
已矣稽康好鍛季主卜達人未免茲游戲

斜川集卷之五

五

送韓公保德通守還朝

與君相見古弁門睂目炯炯清而溫天涯流落十年事但指白髮
俱忘言當時射策探月窟想騎八駿超崑崙我時蹇步謾追逐一
蹶不復驂車輪豈期末路有相顧漂母頗亦哀王孫青衫塵土百
僚底忍飢不解安田園壯心消盡憂患在乞憐何異從邱壻君才
雅爲清廟器未肯碌碌爭乘軒聊從州縣事下考要爲慈母時平
反吾庸多矣願自愛舍魚不取從能鱗

送叔寬弟通判瀘南

老人出鄉不得歸西山頽水含清悲厝車獨辦入蜀計樂城季子

眞男兒凌雲棧道三千里屈指渡瀘五月時相歡里門下父老寒
食上冢先墓頤吾弟平生得詩禮大吾門戶惟子期巴川夔道人
鄙遠誰冒仁義變蠻夷烏笏齒晉亦安用唐蒙已死仍瘡痍請君
搗泥一九去持此關塞安黔黎

送普融老

孤雲去來無常蹤流水曲折無定容絳散漫隨天風流行坎止
忘西東南嶽道人曰普融壁立萬仞疑少通山林市朝能兩空未
覺芥蒂於其胸脫衣塵埃寓高峯澹然遺世無冥鴻豈知絕物非
中庸忍飢學仙噉栢松住山出山偶然中人不吾舍吾其從鬻饋
未足爲浮隆要與後學開盲聾我方處世如鉛春自知冠冕久不
工願言香火他日同二老會當林下逢

斜川集卷之五

六

清源大夫吳人到官之數月鑿池引泉植芙蓉大變晉俗遂
忘江湖之想作詩寄題芙蓉亭

先生腹有五車書宜著天祿與石渠一日不可食無魚何不置之
於江湖邇來得邑古塞隅飲酪披毳如羌胡汾水濁惡山童枯不
知先生何爲娛忽然寄詩遣長鬢報我縣圃開榛蕪昔爲沮洳今
可瀕下灌種稻池之餘清流映帶紅芙蓉炯然不染先生如簿書
擾擾徒喧呼不妨行吟學三閩吏民已化愚溪愚能和紫芝于藋

于教條自簡俗自紆三尺不犯鞞與蒲願君越吟小幽躅晉楚未
覺肝膽殊長短莫較鶴與鳧彈鉞且緩歸來乎

次韻叔父題畫木石屏風

老人萬事無心雲年來道服等卧輪西軒坐閑車馬奔垂天不展
空鵬跨屏間怪石千年根端爲先生束結鄰毫端雖愧蜀兩孫要
非丹青闕世人空山老幹不效珍荆人異璞埋埃塵幸此不遭世
俗昏棟梁圭瓚徒勞神

苦寒行

句甚司春懦不職縱使元冥氣凌轢三冬肅殺歸爾時長物豈容

斜川集卷之五

七

長凜凜北風吹水冰成梁急雷益地雲翻墨坐令貧士高掩局安
得重裘代締絡春泥漫漫薪不屬破甑無煙愁四壁飢吟拗鼻涕
流漸皸指結衣僵欲直水南水北多高士去作達官金馬客朱門
碧瓦照逼都恥著麻衣羨狐白問余何爲不錄錄反老抱關守甌
石十日春寒何所覘坐想朝陽生屋隙願將披纊同斯人杜陵大
廈無由得南榮炙背值萬錢煥燠此衣安且吉

松風亭詞

水兮清冷絕塵市兮郊坰鬱松風之參差忽飛構兮危亭悲
風來兮號滄溟寒月出兮歛戶庭聽萬籟兮發無形感窮歲兮物

影零簾舒卷兮度飛遊白露下兮靄疎星二江東來兮勢建瓴千
山右繞兮環翠屏彼此門兮晝常扃屏外物兮返視聽嗟世故之
迫臨兮夫何異於囹圄幸此身之日遠兮口可逃於天刑望神仙
其咫尺兮想羽人於杳冥或命駕以遨遊兮茲弭節而少停友羣
仙兮役萬靈騰鸞鶴兮駕鳳駟願執鞭兮展輪愧凡骨兮羶腥余
師首陽之清德兮超千古而猶馨偉三閭之諒直兮高衆人而獨
醒慕子房之明哲兮學辟穀以引齡嗚呼雖九原之不可作兮庶
斯人以發矚

山行

斜川集卷之五

六

肩輿歷盡黃茆圃青山壁立聳大行忽驚雷轉山石裂濤頭千尺
分錢塘飛空雨雹寒岸碧倒影垂虹射晴日高巖俯瞰先目眩杖
策縱觀森股慄只疑天河瀉地上又恐灑瀨飛山脊猿猴悲鳴霜
樹折虎豹震動山月黑千年水石自成竇下有蛟龍深莫測明年
歲旱當汝求只雨一聲飛霹靂

眉山蘇過叔黨氏著

題鬱孤臺

懷玉案坡二有鬱孤臺詩自注云在虔州作時爲而聖元年叔黨詩卽和其韻

澤國風煙惡平居念少游三冬霜樹少八月火雲流旅館那堪暑
危臺獨覺秋遠林藏小寺虛市隔孤洲日落山銜碧江昏蜃吐樓
雲峯連北斗烏道絕南州邱壑從茲逝軒裳豈足留終當思范蠡
歸泛五湖舟

次韻叔父所居六首

長元案樂城集有寓居六韻東坡集亦有和詩此佚第二第六兩首益紹聖三

年隨坡在惠州時作永樂大典下三首題作新竹榴花雞冠散兒各部今并錄之

斜川集卷之六

旅寓仍艱歲雞毛入饋盤
犯芹不秋白露菊擷朝寒未覺江湖遠
空驚歲月闌諸兒還自喜頗亦試艱難

淋隄黃門宅喧囂半雉牆
此君時掩冉小屋自清涼
月落寒梢靜春回穉筍猗
見童護雞犬更看引鞭長

榴實江南少依稀綴樹又稍存
後彫管能吐欲然花西蜀雖吾里
東軒似故家田園隨處是何必買生涯

戶外從羅雀空階放草長大雞俄獨一衆卉已難藏
意氣矜全盛繁雜憫欲僵
伶僂蜂與蝶未免歎層亡

次韻叔父詠竹二首

江湖猶在眼水竹負幽尋故買比鄰宅期分數畝陰影侵書成
色映綠苔深肅殺秋將至霜餘出茂林

此君非草木勁節凜佳賓相對山陰禊會陪南阮貧琳珉風葉響
水墨月窗句何必籃輿出敲門問主人

已卯冬至儋人攜具見飲既罷有懷患許兄弟

懷玉案是爲元符二年坡

集有用過韻冬至與諸生飲酒之作中有云愁顏解符老
詩耳聞吳翁坡白注云符吳皆座客蓋符林秀才吳子野
也

寂寞三冬至飄然瘴海中不嫌羈寓遠屢感歲華窮父老憐匏繫

有就盛筵餘一歡爲子壽百福與君同已憤爲飛墮真忘馬首東

斜川集卷之六

二

南音行自變重譯不須通椰酒醒嚼白銀皮琥珀紅海南有偷獐

銀皮酒

醉野獠絕倒共鄰翁藟芋人人送園庖日日豐瘴收黎母谷露入

菊花叢海蜃羞蚶蛤圓奴饋韭菘檳榔代茗飲吉貝禦霜風悵望

懷諸阮遙知憶小馮客身雖嶺嶠逸想在瀛蓬介隱惟借母龐團

獨侍公故山千萬里此意許飛鴻

秋思

秋入郊墟早霜高宇宙寬頭風思檄手髀肉怯征鞍俯偃非吾事
歌呼強覓歡自知毛羽短松桂不禁寒

次韻楊良卿秋雨有感二首

一飽真難得凶豐特未分連綿窗外滴惆悵階頭耘雀啣創謀食
毒鳴夜作羣誰能補天漏我欲跨重雲

電驅旆建屋溪漲浪翻查身伴三年客愁隨萬點鴉家書空繫雁
燈信未古花夢裏尋歸計柴桑似有涯

王謹常再和前詩復次其韻

旅枕何曾睡惘惘到夜分崎嶇世路走辛苦憂畦耘老棄林泉樂
來居戎馬羣登高一悲陀杳杳是燕雲燕山云中

王子可人處壁閒留短檠自雖疑刻鵠初不得黔鴉世味真嚼蠟
塵心不染花相逢定相契一笑共生涯

斜川集卷之六

三

次韻孫志康書事

午枕睡方濃雷車般地雄彈九屋瓦墜雲散馬牛風神物聊相戲
驚心未解空似催詩句愈添得錦囊豐

和趙朝議追詠其亡友園亭三首

宿草論交舊佳亭榜字新平疇煙漠漠野水碧粼粼挂劍嗟吾晚
懸車歎汝伸西州不忍過朱戶鎖埃塵

軒冕真餘事林泉獨我親揚雄雖有宅王翰孰爲鄰披句空遺恨

沾衣想自煩親公憐友作擬德定其

引退元非病歸田欲患貧躬耕聊自給知命敢言屯好客還師鄭

多金不羨秦猶能化鄰里殆類爲天民

遊英州碧落洞

懷玉案紹聖元年坡自江西赴惠州有碧落洞詩紹聖二年又有與程正輔遊碧落詩叔

案此詩未知作於何時

千尺琅玕翠人雲神仙已去洞仍存寒崖但見懸鐘乳流水無窮瀉石門未到朱明眞洞府先看峽口小豈崙捨舟欲問桃源路安得漁人與共論

送晏秀

長元案此紹聖三年作承樂大典缺載從東坡題跋補錄

三年避地少經過十日論詩喜琢磨自移灰心老南岳猶能繭呂憇東坡來時野寺無魚鼓去後閒門有雀羅從此期師眞似月斷

斜川集卷之六

四

雲時復挂空河

東亭

懷玉案案城後集有寓居二詠東亭其一也此正和其韻似佚東樓一首放坡集亦有和詩蓋紹聖四年謫昌

化軍時作

閉眼黃庭萬想歸此心久已息紛馳幽居正喜門羅雀晨起何妨笏打顛自信丹田足黎棗不憂瘴雨滯茅茨三山咫尺承明遠世

路榛蕪誰與披

椰子冠

懷玉案坡集紹聖四年有次韻子由三首其二爲東亭東樓椰子冠亦其一也案坡集亦有詩題云過姪

寄椰子冠是此詩蓋倡於叔寬而坡類俯同其韻也

玉佩犀簪暗網絲黃袍今習野人儀著書豈獨窮周一作叟說傷

遺應見祖師樓子偶從遺物得竹皮同使後人知平生冠冕非召
意不爲飛鳶跼墮時

大人生日七首

長元案據第一首七年二字當是元符三年十二月作時坡拜玉局之除北還過嶺寄子

由有七年來往我何堪之語蓋紹聖元年謫惠州已而過海至是爲七年矣餘六首凡原生名病陰功活人世開出

世字句復出疑非一時所作永樂大典依類編纂今亦無能分析矣

七年野鶴困雞羣匪虎真同子在陳四海澄清待今日五朝光輔

屬何人從來令尹元無愠豈獨原生不病貧天欲斯民躋仁壽卧

龍寧許久謀身

未試陵雲白日仙此聲固已速郵傳

公在海南四方傳有自日上升事

陰功何止

斜川集卷之六

五

千人活法眼要求一大緣枕上軒裳真作夢腹中梨棗是歸田他

時漢殿親遺鼎猶記曾陳柏寢年

昔將真道破羣織出走寧逃此日讒塞馬未還非叟病莫邪偶棄

豈鉅銛長生有道因辭寵造物無私獨與謙從此軒裳真敝屣世

閒出世固難兼

一封已責被敷天

揚州論積次筆

十萬饑民粥與饘不待丹砂錫難老自

憑陰德享長年壽條固已古黃髮珠火還應養寸田况是玉皇香

案吏御風騎氣本冷然

勿驚神滅帶圍寬壽骨骨嶮然正隱觀不待期頤祝難老固知稊莠

目井年僊松再蔚千齡葉晉非新飛百尺泉坐想山神無伎倆卻
應造物報其天

晴首東華典祕藏於今曖曖水雲鄉欲知萬里雷霆譴要與三山
咫尺望世上功名那復記洞中仙籍已難量仇池何用追仙馭香
案仍歸侍玉皇

窮寓三年瘴海濱簞瓢陋巷與誰鄰維摩示疾原非疾原憲雖貧
豈是貧矧嫗固嘗占異夢肉芝還已獻畸人世閒出世何由竝一
笑榮枯等幻塵

次韻叔父小雪二首

懷玉案類濱詩載藥城二
集題云沈月二十九日雪

斜川集卷之六

屏帷夜久灰殘獸紙帳寒鷺月在窗似聽竹聲知有雪便添酒興
欲傾缸西鄰正想蒲團穩伯殿遙瞻老柏雙自笑窮愁拙生理不
謀升斗待西江

夜來小雪猶凝地睡起扶桑已著窗卻喜少陵時炙背不愛北海
屢空但豐年何待豚蹄祝薄渚柳煩蠟屐雙試走湖邊望嵩少殆
如疊嶂在煙江

次韻叔父上巳二首

衣玉案類濱詩
載藥城後集

日晏幽人未下牀春風暗度百花香掩關頗得禪家味行掃從教
世路荒絕口誰能論夢幻逢人聊祇話耕桑翟公曰外常羅雀要

放空階草木長

幾年雲落跡江湖樂事何人與我俱上已偶尋流水榭流水一
條竹泛
筋聊爲小兒娛殘杯冷炙慙佳節草服黃冠慕野夫永謝輕肥追
世好窺園已愧下帷儒

次韻叔父黃門已丑歲除二首

樓玉密慎讀詩載樂談
三條是爲大觀三年

坐闌星周幾變遷恒河見性但依然求田問舍追三徑面壁灰心

過九年公自庚辰歲解額昌
社門不出今年在

早退得閒真玩跡跡數息是安眠

從今甲子當須記異日應無史趙賢

卒歲優哉樂事全家庭瑞氣鬱葱然樹花頌酒祈新福臘雪飛空

斜川集卷之六

七

作有年塞馬未歸人勿歎苜蓿已熟客猶眼賴濱遺老非虛語萬

古巢由不獨賢

公白號穎
濱遺老

叔父生日四首

重耳飄流十九年我公涉世屢艱難笑看禮至爭銘鼎便學陶宏

徵挂冠枕上軒裳何足夢壺中天地本來寬幅巾從此追巢許永

愧蒼生起謝安

山澤癯仙事渺茫武陵之說亦荒店老聊及見東周晚季子幾同

魯史長直以至仁符靜壽固非吉卜子康強漢庭已致商顏叟寧

以初平老牧羊

平生種德在斯民，物理循環付大鈞。今日里閭驚萬石，時廡廟
汪千人退藏欲遂箕山志，談笑歸來頽水濱。設效見童祝難老，楚
南靈木不知春。

圖形未肯上凌煙，欲了人間一大緣。心法已傳黃葉要，神自契
赤松仙。爾來卜築安懸壺，空使蒼生望濟川。不用丹砂留齒髮，見
恒河性本依然。

與王子敏相別十年，今在汝見。招以書將往，從之聞其齋素。
卧病以詩勸之肉食。

已矣君休問，十年相逕定。怪兩華顛長，卿猶作文園。令蘇晉長齋。

斜川集卷之五

八

彌佛前隱几，不堪居士病。在家空學小乘禪，隙駒安用徒勞苦。爲
我西來數擊解。

次韻趙承之寄保德倅王粹公

王謝風流不愧前，碧梧翠竹總森然。好歸蔡瑣持簪橐，卻卧關河
閱歲年。目送秋鴻凌絕漠，坐傳烽火到甘泉。笑君坐嘯空齋冷，庭
下蒲鞭無可鞭。

次韻葉守端陽日湖上晏集

謬玷英髦齒，故鄉西溪雲。日曉蒼涼樽，傾北海佳辰。至樂入熏風，
晝漏長。夫放巾車陶令去，且容拓戟少陵狂。他時儻與安昌客，還

從范信中覓竹

將軍纓著鷄冠買得林郎小
天十畝琅玕寒照座一谿羅帶
恰通船行當雪夜尋安道
先欲忘風借玉川雨洗娟娟君會否
乞分半畝慰吾涎

信中見和復以前韻答之

半束短髮不勝冠
終老茅茨敢怨天
小築強追三徑樂
遠游未遂五湖船
竹林詩友欣同社
花鳴春風共一川
待我西窗蔭寒碧
妙香與子試龍涎

斜川集卷之六

九

次韻韓國相約遊嵩少

春櫂已辦登山計
積淖車輪四角生
勇健無人先接淅
滯留愧我說重盟
風回遠壑雲歸岫
雨洗蒼苔屨有聲
刻石題名須絕巘
蓬萊頂上記曾行

後旬日雨止遂行至大威岡初見嵩少

青山真似有情人
百里相迎列萬屯
積翠已堪供爽氣
羣趨如欲避雄尊
少寬眼界塵埃外
卻視醯雞井陌暄
方信胸中有餘地
青邱雲夢不勞吞

李方叔挽詞二首

廣文流落坐才名世爲長沙惜買生明主愛才非忍棄大鈞播物
豈能爭空嗟抱藝頻三黜不待驚人試一鳴賴有遺編照千古賢
於萬戶寫銘旌

豪氣崢嶸老不除求田未分賦歸斯功名日暮空彈缺鬢髮霜彫
爲著書想像柴門延履舄淒涼澁水但邱墟從今忍過西州路莫
樹悲風擁素車

劉晦叔挽詞二首

蛩歲聲名聳指紳時逢端合付經綸繡衣曾是先朝舊即省空驚
白髮新不羨得車誇貴仕但合遺愛在斯民德星躋處陰功滿高

針川集卷之六

十

大門閭界後人

泗濱初獲拜荆州頽水欣從杖屨游華髮歸來慰平昔邦人共喜
見風流里門尙想諸郎下龔露俄驚素旆秋清德傳家無所遺鹿

門真缺子孫謀

樛隱堂

果爲才名困廣文天涯從仕老仍貧一廛未有歸耘處五斗聊爲
東帶人象棄已昔棲廣莫先容那復慕輪囷幅巾他日衡茅去紉
砉儒冠總誤

次韻晁無斃與葉少蘊重開西湖二酬之詩三首

鑿開北渚漲痕收倚杖波吞立鷺洲稍覺蒹葭相與永直疑汴日
看交流壽公且吸杯中月清水頻移鑑裏舟雖是蓬萊通帝籍那
人真欲寇公留

危構飛空舊魚輪澄光爽氣壓城闌下臨曲水山陰袂不障西風
庾亮塵譟擬江南入圖畫只憑詩匠掃蕪堙少陵有句真堪詠翠
竹江村月色新

百分鉏耰畢此生不須窮達問君平黃梁正與夢俱熟環堵真無
饜欲清晚客強陪金谷侶小詩聊學候蟲鳴空懷老驥心千里憔悴窮途敢請纓

斜川卷之六

七

次韻姚美叔尋春之什

厭看塵土暗春晴喜見池塘翠浪生
玉曲水會當追逸少斜川終擬學淵明
歌呼且盡杯中物寂寞何憂身後名
况有岑參好竒怪爲君試草泐陂行

次信中韻

萬古溪流去不回春撞澗谷石門開
尋源不必武陵客過眼驚看澗瀨堆
寒碧照人無底寶鏗轟殷地半空雷
結茅安得從僧住自把鋤耰闢草萊

信道東君有化工，翦裁花雨落春風。
第一宮南畝，麥秋先作瑞。西山玉粒未教融，
飽遙知餅餌豐。

和清源陳觀性喜雪

斗酒豚蹄語未終，飛花弄態作冲融。
養物風爽入西山，千仞色潤添南畝。
一犁工先生休道催科拙，趁
著河東歲屢豐。

歸途次呂居仁

勝游喜得六人閒，說有談空許肆言。
觸美翻雄夸頗快，平生願笑語欣陪。
童意態覺卑喧。

斜川集卷之六

三

陪中山帥登城口號

西風卷雨出羣山，曉色朦朧未散煙。
日爭鮮承平不在山河險，臥護何須鐵石堅。
公于騎看秋田。

再次韻荅陳帥和詩

電掃天驕到海邊，長城千里靜無煙。
試小鮮收拾風流開幕府，從容談笑卧中堅。
羽大手何勞也，覩橫槩詩千首三。

銷磨變力田

和新南園

道眼年來等色空
塊蘇不羨化人宮
敢嫌仲蔚蓬蒿陋
久悟邯鄲
夢幻中
爽牖繩樞知遠覲
免葦燕麥任春風
箕山咫尺行當隱
巢許高蹤躡二公

次韻程秀才作其先人理銘

欲載揚雄老一區
清名不耀力難摹
但知穠蕞勤吾事
要以凶豐
畀後圖
有子人人壯門戶
新詩句句琢瓊瑜
夜光明尺毋輕付
誤誰空空叩鄙夫

斜川集卷之六

三

田家書事

路入銅鞮草木幽
不堪隴水斷腸流
稍逢煙火人家住
似有桑麻
場圃秋生理艱難何所樂
石田辛苦若爲收
天公長與豐年好
安得仁人每問牛

和楊良卿

客愁何處不相尋
節物年年又見侵
不爲黃花思故國
羞堪白髮
負初必臨風有句空
悲咤獨酌無人訴
淺深卻羨楊柳橫
顛後征
嘲落帽吐衣襟

和伯允兄唱酬 首一贈伯允一寄高仲貽

俗客難堪走世塵空嗟林下見何人坐令歲月徂三夜夢想田園
趁食新老境已侵無樂髮垂堂共愛不貲身一官聊爲家山往要

看明年濯錦秦伯充時得成
許欲歸蜀

家風凜凜嗣則塵元始庵中老道人仲貽家庵自
謂老道人形似子綦獨枯

槁詩如罽府日清新功名軒冕真餘事富貴遷條誤此身不有習

中陂萬頃百教日髮負青春

送李植秀才歸盱眙

濁流盡處見淮山水作清羅擁髻髮頓覺山川無與竝固知人物

亦相關妙年官作小坡客先君以硯付八舍弟有詩曰
吾衰此無用寄與小東坡瓢飲衷同

斜川集卷之六

酉

陋巷顏不爲尊鱸起鄉思重親方在白雲閒

雨中遊柳溪呈志康諸公

脫我芒鞋與杖藜強隨車蓋著荷衣青山綠水苦相喚細雨斜風

不忍歸幸有琉璃傾琥珀何妨粉黛涇珠璣瀟湘起我江湖一作
煙波

興只恐扁舟明日非

次韻任况之見贈二首

強辭直飲服儒冠敢意青雲便可干似是馬曹宜嬾病卻慚雞肋

眷微官眼前簿領成何用夢裏雲山得暫歡爲問崎嶇緣底事鬢

毛蕭颯帶圍寬

知君切好切雲冠，肯爲浮名挽首于應笑。嚴徐吐屑吟欲呼，龐參作衙官地偏心遠。人知少酒熟詩成，我自歡時誦髯劉。枯槁句糝糠萬事百憂寬。

自顧昌歸任況之有詩次其韻

斃拋彭澤故園歸，趁見春山筍蕨齊。不謂簡書詠可畏，便尋漁釣欲重攜。故人念我勤車馬，走筆題詩寄象犀。欲遣長鬚無以報，大竿滋味愧羹藜。

次韻徐正夫見贈

自信儒冠不誤身，從教塵土滿衣巾。安能學稼與學圃，已得異書

斜川集卷六

五

逢異人，隻影自隨空四海。歲寒相伴有孤筠，揚雄何日一區老。問字應當載酒頻。

次韻少蘊二首

畫師安得老龍眠，寫此西湖李郭船。談麈生風看落屑，詩壇餘勇戰空拳。泊隄春漲雲空闊，夾岸桃蹊錦接遠。到處聚觀千萬目，要公膏雨作豐年。

雲閒笑語雜鷓鴣，行山意波光。兩浩浩，老大讀書真。伯業歌呼狎客類，平陽丹青遺構風流在尊。酒題詩草木芳，湛輩不須悲歲月。羊公名與峴山長。

次韻伯元詠牡丹二首

珍重誰移洛下根，玉盤徑尺露花新。
不勞鉛粉強爲色，自是肌膚淑且真。
美惡本非春有意，栽培只恐伎凝神。
空齋獨嗅無人賞，鼻送幽香息息勻。

草木無情解悅人，徒因見少得名新。
翦裁羅綺空爭似，研合丹青太逼真。
尤物端能耗地力，癡兒意欲費精神。
願回春色歸南畝，變作秋成玉粒勻。

次韻歐陽誠發牡丹

青春過隙不多時，佳會應須日日期。
羨子多情勤秉燭，尋芳問柳每題詩。
洛花名字爭新見，尤物東君剪刻遲。
安得韓湘寫奇句，世閒鉛粉謾勞施。

斜川集卷之六

六

次韻孫志康牡丹二首

春事依稀見一斑，山花灼灼強施丹。
能容巫掾歌呼處，信是平陽度量寬。
溪上有人歸獨晚，夜闌秉燭若爲懽。
但知草檄健詩債，何必重尋落藥看。

鐘餘舊壓蒲萄綠，盤有南珍荔子丹。
草草春光雖未稱，人人酒令暫須寬。
興來勿廢無何飲，老去難尋特地歡。
慰我窮愁真待子，憑詩寄與故人看。

卜居城南二首酬兄弟甥姪

蕭蕭素髮插人頭世上功名得汝求
神馬尻輿安所稅寸田尺宅
早歸休結茅但使纔容膝解劍還須便
買牛更慕少游乘下澤不
妨閒里自沈浮

采椽竹屋亦天真但喜相望北阮鄰
等是南柯遊此世聊將傳舍
誰吾身高門恐負于公志近市空慚晏子仁
安枕不聞龙也吠藁
門圭竇固應貧

次韻孫志康喜買子莊還任

君王物物與恩均令尹還須畏吏民
投劾賦歸無二頤上書遮闕

斜川集卷之六

七

有干人朝陽升處幽陰破暖律回時
草木春看取子文無喜慍從
來冰鑑恃堯仁

橫山道中

物外閒人日月長意行無復有重岡
林深步步衣裳溼麥熟村
餅餌香遙想雲間下雙鳥空懷先子望
三鄉欲尋好句供詩眼旋
逐東風墮渺茫

小子籥與其友作滙亭置酒泛舟唱酬之什予亦戲用其韻

勝事隨年阿堵中老天久絕馬牛風
消磨藥石一春過寂寞蹲壘
萬事空亭下麥秋驚翠浪山前兩腳
卷晴虹渡頭試驗豐穰意半

是村醪入頰紅

題歐陽晦叔竹癖軒

海竹纖杉亂葦葎君家于樹獨淇園清陰夏簟常留客疎影秋光
共入軒展阮孰窺塵外趣鍛稽聊與世人論可憐此路今無幾桃
李成蹊不待言

和良卿病日在告

寒月侵窗燭在檠幽人燕坐夢魂清一從拾得空花病十日不聞
鼙鼓聲

良卿在告免按
彼已十日矣

題李微叔所藏戴嵩暮雨圖

斜川集卷之六

六

春雲漠漠雨垂垂水滿平疇秧稻時青莢綠蓑晚歸去一作青蓑
蒨笠卧戴
歸爲問市朝儂不知

次韻韓文若展江五詠

懷玉案文若名宗武
韓莊敏玉汝之子

山河景色本無偏須信壺中有洞天明月端來臨不夜珠宮玉宇

澹娟娟

閑尋短棹問溪源乘興眞爲載酒船應學二疏辭漢早勝遊兼作

地行仙

綠暗紅稀禁火時使君軒馭雨仍隨清風吹得江湖句急遣詩筒

挑鼓旗

欲追急景去如飛
剡賦新詩酒百卮
倒戴接羅扶醉酌
恰如山簡
醉歸時

新醅潑蟻綠溶溶
時爲賢人復一中
况有能詩庾開府
論文興歎

有誰同

睡蛇已死得安眠
擾擾塵中學坐禪
我欲退休從杖履
春明門外
有雲泉

山行次韻楊良卿見寄二首

山行六日已逃空
况入青冥窈窕中
欲寫姓名孤絕處
恐君遺恨
不吾同

斜川集卷之六

九

出谷泉聲已轉雷
忽驚山斷見離堆
尋溪便欲拏舟去
留取他時
雪夜來

道中買得草屨

買得芒鞋拄杖挑
心先向足踏雲霄
山林本是吾歸處
不待移文
辱見招

次韻葉守端午西湖曲水五首

遠釀清醴入溪渠
左繚孤城轉古墟
豈止江湖來席上
一蘇窮澤
十千魚

暗泉百道草閒鳴
已覺圓荷翠蓋傾
撥欲拏舟江海去
門前歸路

是春明

一葉何時縱權歌空悲急景怨義和斜風細雨添愁絕青蕩蒙頭
映綠菱

兵厨酒色似鵝兒計泛樓船會有期葦折荷枯秋露淨更看鏡面
渺瀾時

叔度平生撓不渾注之不滿挹無痕甘棠訟息籃輿晚目送牛羊
自下村

次韻趙伯充雪中見招二首

華堂玉燭夜沈沈淡月疎星作雪陰天爲王孫醒醉眼晚來霽淞

斜川集卷之六

三

入千林

擁鼻袁生方塊然不知玉色浩無邊西陂欲與稽山竝賀監風流

太白船

次韻張次應見寄

西城夜雨一追攀前輩風流頓覺還窮似少陵無裋褐空懷大厦

庇千間

叢臺

百尺危臺高入雲欲將羅綺炫強秦長平一戰坑俱滿臺上應無

豪傑人

次韻承之乞魚於保德

葦鱸一別信音疎
食指令人盡
信書不是分
甘慰愁思
臨淵空羨
詩無如

和叔父所居六首之一

野卉非千葉
妖紅媿兩京
依然守舊態
誰與製新名
琥珀綴圓石
燕脂染落英
願因少陵句
草木亦鮮明

張庭實得石名小括蒼

蓬萊異石出珠宮
遠澗幽龕定幾重
玉井分明太華頂
洞天疑是
括蒼峯穿雲細路
屏間見落谷
幽泉硯可供
誰遣飛來在几案
伴

斜川集卷之六

三

君文史老三夕

行軍城道中

北望青山幾百重
秋來翠色欲摩空
犬戎絕漠今無幾
烏道營糧
力已窮
巖谷有田空
瑣細旌旗何日卷
殷紅此行豈得功名事
聊

欲探音訪葛洪

軍城北葛洪山甚
奇是夜宿葛川驛

送李文儒赴漢東教授

自欲擔簦拾紫朱
誰能碌碌守吾廬
割鮮固已夸多獲
賈勇今將
試有餘環堵未成三徑業
東裝惟載五車書
要令洙泗行江漢
歸

伴諸儒校石渠

山居苦寒四首

十里山行步步高陰風怪穴亂呼號孤燈獨掩柴門夜骨冷誰分

范叔袍

汝有風穴故常多大風

牆東鑿牖納朝光掘地爲爐土作牀快噉生薪聊禦臘茅茨未必

愧華堂

自掃空山勃落柴夜深猶復撥殘灰更招野叟談僉語旋刷蔓菁

手自煨

傍舍孤嫠八十餘背無完絮况裙襦分衣愧乏莊公惠紙被聊將

慰老臞

草堂之東南有梁嫗八十餘歲形貌瘠傭耳目皆廢余偶見而哀之默謂猶子符天寒甚是且凍死當製紙被與之

斜川集卷之六

三

既而忘之一日忽遣其子來索紙被其子亦不知嫗安授此意余卒與之然聾聵老病如此豈其神完而外遊得吾之心耶抑寒苦之極而發於夢寐也事稍異故記之

戲贈吳子野

從來非佛亦非仙直以虛心謝世緣饑火盡時無內熟睡蛇死後得安眠饑腸自飽無非藥定性難搖始是禪麥飯蕙羹俱不設館

君清坐不論年

子野絕食不睡

次韻王幼安哭韓君表

公子雖軒冕山林契夙心坐禪新活計脫屣舊冠簪共笑謀生拙如非涉世深頌詩留續息妙意可銷沈

詠三瘦

勿輕三十各爲肩氣吐虹霓詩涌泉共與扶持加藥餌要令山
著臞仙

題郭熙平遠三首

木落沙明秋浦雲收煙澹瀟湘曾學扁舟范蠡五湖深處鳴榔
望斷水雲千里橫空一抹晴嵐不見邯鄲歸路夢中略到江南
諸子只應見畫此中我獨知津寫到水窮天杪定非塵土中人
右三詩見李日華味水軒日記

斜川集卷之六

三

三蘇為吾鄉先哲其經綸氣節見於文章而文章則流傳海內自
宋迄今七百餘年使人誦習不衰吾鄉人士近其居而艷其名方
不勝高山仰止之思有不取其文章而讀之者哉柰地屬偏隅
書難購不過於各選本中畧見一斑而未窺全豹嗟乎以本鄉人
而不能盡睹本鄉先賢之著作則寡陋甚矣爰約同人為棗梨之
舉博采書坊及藏書家凡出三先生手者無不掇而刻之集中
成若干卷即未敢云盡其所有當亦得其大半也其工始於嘉慶
丙子竣於嘉慶庚辰其貲出自祀田餘項自時厥後庶使吾鄉人
共沐鄉先生手澤從文章中見其經論見其氣節而奮然興起其
為益或非淺歟後學王之俊謹跋

三蘇集

跋

經理紳士姓名列后

拔貢王之俊

廩生

槐端

男廩生

家楷

恩貢周廷瑑

男廩生

攀雲

歲貢左衷

文生

周永政

恩貢王萃雲

文生

李永芳

文生王作霖

文生楊光泗

文生田東銘

